

讀史方輿紀要

辛丑仲秋

安師題簽

廣東方輿紀要序

廣東在南服最爲完固地皆沃衍耕耨以時魚鹽之饒市舶之利資用易足也誠於無事時修完險阻積穀訓兵有事則越橫浦以徇豫章出湟谿以間南郡東略七閩通揚越之舟車西極兩江用獐獐之弓矢且也放乎南海風帆頃刻擊楫江津揚船淮渚無不可爲也豈坐老於童山巨浸間哉或曰廣東以守則有餘以攻則不足也昔者任囂謂尉佗曰南海僻遠東西數千里此亦一州主也可以立國佗用其言而有國者數十年五代時劉巖承父兄之業擅有嶺南寧國者亦且四世此善守之明驗也盧循徐道覆自嶺南圖江東而敗蕭勃自嶺南圖豫章而敗歐陽紇未越嶺南而敗王仲宣欲以嶺南復陳而敗文天祥張世傑欲以嶺南存宋而敗此議戰而不議守之過矣余曰戰與守各以其時耳當守而不知守以一隅之地而冀爭雄於天下其至於覆亡也宜也當戰而不知戰使數郡以外盡爲他人之幅員而猶冀人之不爲我患其可得乎從來有事於一方者必當審天下之大勢不審天下之勢而漫應之戰與守雖異而其至於敗亡則一也尉佗受任囂之命卽移檄告橫浦陽山湟雞關曰盜兵且至急絕道聚兵自守夫劉項相爭中國擾亂此可戰之時也而佗乃聚兵自守者佗新尉南海衆心未一欲先固根本而後從事於外耳漢旣定天下急封吳芮以長沙所以塞嶺南之口也佗遂不敢與抗及呂后亂政佗始自尊爲帝發兵攻長沙邊邑敗數縣而去呂后亡而佗兵亦罷矣佗亦智矣哉夫佗固未嘗一日而忘用兵也觀其初行尉事卽擊并桂林象郡其後地益斥東西且萬餘里使當可乘之

時其遂無意於中國哉劉巖據嶺南不能爲北出計者以湖南扼其吭也及湖南覆敗此嶺南得志之時矣乃僅西取昭桂北并郴連爲固圉計者劉晟非遠略之主也嗟夫盧循徐道覆海上逋逃耳一旦陷番禺陷始興晉力未能討也及循犯長沙而北道覆犯南康廬陵豫章而北順流長驅直指建康建康幾殆其終於無成者以盧循畏蕙不盡用道覆之謀耳非廣州之不足用也唐末黃巢轉輾殘掠竄入廣南旣而北還擾荆湖禍江淮殘汝洛陷長安陵寢陸沉乘輿播越廣南非其厲階乎蕭勃歐陽紇本皆庸才舉措周章適以自斃王仲宣內無根本之固外無強大之援倉卒舉事旋以潰散宋之末造奔亡不給假息無途豈能與全盛之敵抗哉夫時勢所在得人以乘之則起於草澤可以轉移六合也時勢旣去則關河雖險不遑保矣何必嶺海之間能亡人國哉且不聞陳霸先之初起乎霸先之初不過始興相耳乘侯景之亂起兵北伐克平大憝平成帝業惟其時也否則牂牁灘水橫浦桂陽並會番禺而南越亡矣拔昭賀克英韶進屯雙女山而南漢亡矣時勢足以定中原而獨置嶺南於度外者明初王師至東莞何真遂以迎降也蓋嶺南當中原多故時進不能以有爲退猶可以自立及紛紜旣定必難久存矣善乎徐道覆之言曰本住嶺外豈欲以此傳之子孫哉夫嶺外之不可以傳子孫也道覆且能知之也然則守誠不易言也又吾聞嶺南之勢在於嶺北徐道覆謂盧循劉裕若自將屯豫章遣諸將率銳師過嶺恐君不能當也高駢以黃巢在廣南請遣兵于郴州守險又分兵於循潮邀遮而身帥重兵於大庾嶺趨廣州番禺美伐南漢先拔郴州又拔道州蓋所以奪其上游也至於大海在南上接三江

東西便利劉裕方與盧循相持於豫章潯陽間水師已自海道襲番禺傾其巢穴矣唐咸通中安南爲南詔所陷諸道兵屯聚嶺南江西湖南餽運皆泝湘江灘水而至勞費艱阻潤州人陳磻石者請自福建運米泛海不一月至廣州軍食以足近時島倭爲患往往由浙閩海道闖入嶺南故嶺南之海防頗密夫吾以全軍下桂陽略長沙則當以奇兵出海道越閩浙間江淮矣或又曰下桂陽何如出南康夫以南康較桂陽更爲艱阻出豫章而泝江沱何如越長沙而震漢沔相時而動固有以矣若夫假道桂州浮湘而下又踰嶺之西道也或後或先用奇用正時哉時哉又可得而踰度之哉

南海縣附郭 番禺縣附郭 順德縣 東莞縣 新安縣 三水縣 增城縣 龍門縣

香山縣 新會縣 新甯縣 從化縣 清遠縣

連州領縣二

陽山縣 連山縣

肇慶府屬州一縣十

高安縣附郭 高明縣 四會縣 廣甯縣 新興縣 陽春縣 陽江縣 恩平縣

德慶州領縣二

封川縣 開建縣

直隸羅定州屬縣二

東安縣 西甯縣

韶州府屬縣六

曲江縣附郭 英德縣 樂昌縣 仁化縣 乳源縣 翁源縣

南雄府屬縣二

保昌縣附郭 始興縣

惠州府 屬縣十

歸善縣 附郭

博羅縣

長甯縣

永安縣

海豐縣

龍川縣

長樂縣

興甯縣

河源縣

和平縣

潮州府 屬縣十一

海陽縣 附郭

潮陽縣

揭陽縣

程鄉縣

饒平縣

惠來縣

大埔縣

平遠縣

普甯縣

澄海縣

鎮平縣

高州府 屬州一 縣五

茂名縣 附郭

電白縣

信宜縣

化州 領縣二

吳川縣

石城縣

雷州府 屬縣三

海康縣 附郭

遂溪縣

徐聞縣

廉州府 屬州一 縣二

合浦縣 附郭

欽州 領縣一

靈山縣

瓊州府 屬州三 縣十

瓊山縣

附郭

澄邁縣

臨高縣

定安縣

文昌縣

會同縣

樂會縣

儋州

領縣一

昌化縣

萬州

領縣一

陵水縣

崖州

領縣一

感恩縣

東連七閩

惠潮二府與福建之汀漳接壤山谿相錯伏莽之患常多

南瀕大海

自潮州府之東南與福建之漳州海洋接自廉州府欽州之西南與交趾海洋接東西相距二千

四百餘里而瓊州一府峙大海中尤爲險遠

西距安南

安南自廉州府欽州分界由海道以入交州則欽州海陽其必出之途也

北據五嶺 五嶺之首曰大庾嶺在南雄府北六十里與江西分險緇互而西爲騎田嶺都龐嶺與湖廣分險

秦王翦降百越以謫戍五萬人守五嶺淮南子曰始皇使尉屠睢發卒五十萬爲五軍一軍塞鐔城之嶺見

廣黔陽縣一軍守九疑之塞九疑見湖廣名山一軍處番禺之都一軍守南野之界即江西南安府一軍結餘干之水見江西饒州府或

謂此爲五嶺非也漢書張耳傳秦有五嶺之戍裴淵廣州記五嶺大庾始安臨賀桂陽揭陽也鄧德明南康

記南康大庾嶺一桂陽騎田嶺二見湖廣郴州九真都龐嶺三見湖廣臨賀縣臨賀萌渚嶺四見湖廣江華縣始安越城嶺五見

西興安縣水經注最東曰大庾嶺在南康第二曰騎田嶺在桂陽郴縣第三曰都龐嶺在南平縣第四曰萌渚嶺在馮乘縣第五曰越城嶺在始安縣鄧氏以都龐在九真者誤也杜佑亦曰塞上嶺

一也即大庾嶺今詳見江西重險大庾騎田嶺二也都龐嶺三也曰在湖廣永明縣與水經注不同萌渚嶺四也越城嶺五也縣周志非則

曰五嶺之說舊以爲皆指山名考之乃入嶺之塗五耳非必山也自福建入廣東之循梅一也自江西之南

安入南雄二也自湖廣之郴入連三也自道州入廣西之賀縣四也自全入靜江五也今大庾嶺實爲北面

之目鍾云

其名山則有羅浮 羅浮山在廣州府增城縣東北三十里惠州府博羅縣西北五十里其山袤直五百里高

三千六百丈峯巒四百三十有二嶺十五洞壑七十有二谿澗瀑布之屬九百八十有九蓋宇內之名山東

粵之重鎮也五代周顯德六年南漢王劉鋹建天華宮於山中在山之西即朱沙洞也宋開寶初鋹又鑿增江水口欲

通舟道入山不果蘇軾曰鋹於無事時以羅浮爲宴遊之所有急則爲逋逃藪也嶺南志羅山之脈來自大庾浮山乃蓬萊之一島來自海

中與羅山合故曰羅浮

名山記羅浮山有洞周五里道書以爲朱明洞天十大洞天之一也潛通勾曲上有分水嶼謂之泉源福地山經五嶺擁從衡嶽如君而羅浮傑出爲之佐命又舊圖經

羅浮山西距番禺二百里上有桂樹神湖山海經云桂林八樹在番禺之東卽此山也一名博羅山谷傳堯時浮山自會稽浮海而至傳於羅山云云史至正元年羅浮山崩二十七處壤民居墮田澗山水湧溢溺死百餘人其瑰奇靈異游歷所不能遍大約峯之秀者爲飛雲玉鵝麻姑會真會仙錦繡玳瑁之屬洞之幽者爲

夜樂石血朱明黃龍朱陵黃猿水簾蝴蝶之屬而石樓鐵橋之勝尤爲傑出云

宋鄒師正羅浮指掌圖略遊羅浮者始自龍華祠至明月

戒壇登山歷錫杖泉羅漢巖伏虎巖一十餘里而至大小石樓二樓相去五里皆高出雲表重巖四柱如樓有石門方廣可容几席俯視滄海夜半見日初出其山岸周迴五里澗水消長應海潮盈縮之候又上爲鐵橋峯卽羅浮二山相接處也中有石如梁湍水出焉分東西流注於澗又南流注於澗一名神湖道書所謂泉源福地也又有上界三峯上接鐵橋高三十仞不可上其下逶迤有隴水與潮汐應曰瑤池第三峯頂又有青羊巖其下曰夜樂洞昔人常聞仙樂於此洞在神湖東洞中有犀牛潭瀑布泉泉從上界三峯側懸流下注三十餘仞又有鳳凰谷及鳳浴潭皆在夜樂洞中鐵橋相接者曰瑤石臺高五百六十丈有奇梁大同中僧景泰者建連雲塔於其上亦名飛雲塔在浮山上鐵橋之左曰玉鵝峯一名鵝嶺右曰聚霞峯羅山之西爲麻姑峯有麻姑壇相近者爲雙髻峯下有羅陽溪羅浮諸峯之水西匯於此羅山之西南曰飛來峯下爲梅花村又黃龍洞在聚霞峯之東本名金沙洞兩峯相疊一水中流南漢主鑠欲作天華宮夢金龍起於宮前因改今名并建宮於此今呼爲西天華其後有鳳凰崗雲母溪自麻姑峯而西南有觀源洞一名麻姑洞其西北有幽居洞滴水巖幽居洞後又有長壽觀南漢時亦建天華宮於此今呼爲南天華又北爲君子巖側有通天巖雲峯巖其下曰蝴蝶洞前曰水簾洞又有天漢橋其下爲流杯池又南爲朱明洞道書所謂第七洞朱明曜眞之天也其東有青霞谷又有野人洞一名王子洞又天漢橋東有會仙橋橋東有明福觀南漢所建亦名九天觀相近有小水簾洞又東北有蛇穴舊傳穴通眉州又東數里至蓬萊洞鴉髻峯上爲劉仙壇高百丈許下臨羅陽溪山之東西有香臺會眞櫻桃拋毬刀子錦繡黃猿鉢盂致雲大旗小旗雲母雞籠諸峯又有金沙石血朱陵太和歐陽赤水白雲及風洞雲洞雨洞白角大慈寺古老白芒古洞及桃榔大坑諸洞奇獻秀岑

需流怪石不可名狀矣

其大川則有西江 西江卽廣西黔鬱桂三江之水自梧州府東流入肇慶府界歷德慶州封川縣西而賀江

流入焉

賀江見廣西賀縣

經縣南又東至州城南亦曰南江亦名晉康水又東繞府城而東南流出羚羊峽入廣州

府順德縣界亦謂之龍江又東流至府城西北會北江之水又流至府城南而會東江之水並流而入於海

漢伐南越灘水牂牁之師並會於焉卽是道也南齊書西南二江川源深遠別置都護專征討之任西江

實兼南江之名矣

謂之二江

梁大同十一年交趾李賁作亂命楊暕爲交州刺史討之又命定州刺史

定州今廣西鬱

林

蕭勃會暕於西江太清末陳霸先爲西江都護起兵討侯景隋唐以後嶺南用兵恆以西江爲要害宋皇

祐四年儂智高陷邕州沿江東下濱江州郡悉被殘破遂圍廣州官軍拒却之明初廖永忠等定廣州復奉

詔引兵趨廣西由肇慶泝西江而上抵梧州是也今西粵往來百斛巨舟可方行無礙者惟西江耳詳見川

瀆盤江

北江

東江附

北江卽湟水湟水合流之水也湟水出湖廣甯遠縣九疑山流入廣州府界

通志湟水俗呼濱江以出於郴州黃岑山

亦名黃水

經連州陽山縣東西南流經州城東又折而東南入韶州府英德縣界又南流入廣州府清遠縣境

至縣東南與湟水合亦曰浚水亦曰湓水亦曰浣水其合湟水之處亦曰湓口亦曰浣口漢元鼎五年伐南

越伏波將軍路博德引兵出桂陽下湟水陳大建二年廣州刺史歐陽紘以州叛陳將章昭達將兵討之兼

行至始興紘聞昭達奄至出頓湓口多聚沙石盛以竹籠置於水栅之外用過舟艦昭達居上流裝艦追拍

乘流突進紘衆大敗遂擒之宋開寶三年潘美克南漢之郴州劉鋹懼遣其臣邵廷珪屯浣口是也湟水出

乘流突進紘衆大敗遂擒之宋開寶三年潘美克南漢之郴州劉鋹懼遣其臣邵廷珪屯浣口是也湟水出

南雄府北大庾嶺東南流復折而西南經府城南又西南經始興縣西而入韶州府界經府城東有武水出湖廣臨武縣之西山流經郴州宜章縣南而入韶州府樂昌縣境又東南流至府城東南而合湏水亦曰曲江亦曰相江亦曰始興江又南流經英德縣西出湏陽峽入廣州府清遠縣界經縣東又南則湏水流會焉又南流經三水縣西至府西北三十餘里逶迤而下會於西江漢伐南越樓船將軍楊僕引兵出豫章下湏水是也今自庾嶺而南取水道由始興江口可以徑抵廣州且東達惠潮西屆潯梧矣又有東江源出江西達安縣界流入惠州府龍川縣境至縣南爲龍江又西南流經河源縣南爲槎江南流至府城東北折而西過博羅縣南又西南流入廣州府東莞縣境經縣北又經增城縣南而至府之南境會西江以入海亦謂之三江口以東西北三江爲名也

南史宋元嘉十年徙謝靈運於廣州或告靈運令人買兵器結健兒欲於三江口篡取之不果靈運因棄市卽此三江口也

三江周匝三

垂南則瀕大海云

海 海環廣東南界倚爲險固然攻守之計亦莫切於海晉義熙七年劉裕與盧循相持於豫章而遣別將孫處等由海道徑擣廣州傾其穴循以敗亡唐乾元初廣州奏大食波斯圍州城掠倉庫焚廬舍浮海而去咸通二年安南陷於南詔諸道兵赴援皆屯聚嶺南用潤州人陳磻石議自福建運米泛海至廣州軍食始足宋末車駕自閩入越旣而蒙古將張宏範將兵由潮陽入海追宋少帝於崖山宋亡明初命廖永忠由福州海道取廣東永忠奄至東莞何真迎降而廣州亦下洪武永樂間倭蠡入犯廣東屢爲所擾嘉靖中倭寇

閩浙滋蔓亦及於廣東議者謂廣東海防當分三路三路者左爲惠潮右爲高雷廉而廣州爲中惠潮二郡皆與福建接壤而潮尤當其衝柘林南澳皆要區也由柘林而西爲大城海門靖海蓬州諸所又西接甲子門碣石平海諸衛所皆爲南面之蔽儻柘林南澳失守是無潮也平海碣石失守是無惠也海防者惠潮之備以柘林爲最要柘林乃南澳海道之門戶據三路上游番舶自福趨廣悉由此入其去惠潮水緊遠幾百里水寨爲惠潮之衝而柘林又爲水寨之衝慎固之防不可不豫而大城所聲援差近備尤不可或疎也若夫中路之備則在屯門雞栖佛堂門冷水角老萬山虎頭門等澳而南頭澳在虎頭門之東爲省會門戶海寇往往窺伺於此爲闖入之途則東莞大鵬之戍守宜切也又西則峽門望門大小橫琴山零丁洋仙女澳九竈山九星洋諸處而浪白澳在香山澳之南爲番舶等候接濟之所則香山所之戍守宜切也又西爲崖門寨門海萬斛山硐洲等處而望峒澳在崖門之西爲番舶停留避風之門戶則廣海衛及新甯海朗二所之戍守宜切也若西路三郡去倭島似遠而安南占城暹羅滿刺諸番風帆易達高州之南神電衛所轄一帶海澳若蓮頭港汾洲山兩家灘廣州灣皆府之南翰也雷州凸出海中三面受敵其遂溪湛川潭洲樂民等四十餘隘固爲門戶之險而海安海康黑石清道并徐聞錦囊諸隘亦所以合防海澳者也至於廉州之境尤爲全廣重輕故兵符特劄於靈山達堡增屯於衛北海寇之驚峒獠之擾外彝之侵有兼憂焉永樂七年倭嘗陷廉州矣而瓊州又廉之外戶也五指腹心盡爲黎據所設城邑類皆濱海備倭之制若白沙石礮

增頭文昌與海安海康對峙番島飄風突來防禦甚艱此西路所當加意者也又瀕海諸邑爲盜賊淵藪者如增城東莞之茶窖十字窖番禺之三曹波羅海南海之仰船岡茅窖順德之黃頭涌香山新會之白水分水等處往往歲集凶徒以小艇出沒珠禁弛則糾黨盜珠禁嚴則誘倭行劫此又當詰奸禁兇以消其萌矣海道考廣州海舶選諸番出虎頭門始入大洋分東西二路東洋差近西洋差遠宋於中路置巡海水師營壘今爲東莞縣南頭城東南汽路二百里至屯門山水省錢日可行五十里乃順帆風西行一日至九州石又南二日至象石若用東風西南行七日至九乳螺洲又西南行三日至占不勞山西去占城二百里又南二日至陵山其山峻而方有泉下繞如帶卽占城地也陸行至賓童國一月程東去麻逸國二日程水行一日至東西竺崑崙洋又一日行至古宜國其王號宜括卽眞臘也又半日行至奔沱浪洲卽丹眉流國又二日至軍突弄山又五日至海峽南北百里北岸則羅越國卽暹羅也南岸則佛逝國占城屬國也又東水行四五日至訶陵國今瓜哇也爲南海中最大洲又西出破三日至葛葛僧祇國卽佛逝西北隅之別島國人多鈔暴乘舶者多畏之疑卽昔之婆利國今佛朗機也其北岸則阿羅國一名阿羅陀今滿刺加也阿羅西則阿谷羅國一名阿羅單又從葛葛僧祇四五行至婆露國一名阿魯又六日行至婆那國一名須文達那卽今蘇門答刺國也又西至伽藍洲一名翠藍嶼又北四日行至師子國其地在西洋之西北岸距南天竺大岸百里自伽藍洲行二十日至榜葛刺國卽西天竺也一曰西印度海口有察地岡番商於此抽分云天竺之西千五百里曰注輦國宋大中祥符八年其貢使言從本國舟行七十七日歷那勿丹山婆里西蘭山至古羅國又行七十一日歷加八山占不勞山舟寶龍山至三佛齊國又行十八日渡蠻山水口歷天竺山至賓頭狼山之西王母塚距舟所將百里又行二十日度羊山九畏山至廣州之琵琶洲離本國凡千一百五十日云又雷州控入海水路從州東至海三十里渡海抵化州吳川縣之碇洲入廣州通閩浙從州南陸行一百七十四里至遞角場抵海南泛海一程可至瓊州從州西陸行一百五十里泛海水路至安南諸番國又瓊州東至海一百二十里直通大洋故諸番舶雖東洋琉球等國被風漂多至瓊州也

其重險則有梅關 梅關在南雄府北六十里大庾嶺上東北去江西南安府二十五里雄傑險固爲南北之

嚆要亦謂之橫浦關自秦戍五嶺漢武遣軍下橫浦關常爲天下必爭之處有驛路在石壁間相傳唐開元

中張九齡所鑿宋嘉祐中復修廣之舊時嶺上多梅故庾嶺亦曰梅嶺關曰梅關今梅廢而關名如故有官軍戍守詳見江西重險大庾嶺 按廣東之地介於嶺海間北負雄韶足以臨吳楚東肩潮惠可以制甌閩西固高廉扼交邕之噤吭南環瓊島控黎彝之門戶而廣州一郡屹爲中樞山川綿邈環拱千里足爲都會矣肇慶接壤梧州指臂相倚谿峒犴獠藉以控制若四郊多事鼓棹西江不過六七百里而徑達番禺此上游之險也連州北通郴永可以直走湖南且西與平樂之賀縣連界由此縱橫南北似爲徑易雖南雄密邇大庾由嶺南下可以捷走韶州然由連指韶潘美之師實奪劉鋹之鬼兵固無常勢矣潮州東接漳州海寇窺伺必假途於此而柘林寨其首衝也廉欽及高雷二郡與粵西皆犬牙相錯肘腋之防不惟一族不特爲交趾障礙也利害之機安危之繫有近而不察忽不及防者持籌粵東而僅斤斤於番舶之恣擾鐵冶之奸頑抑末矣

讀史方輿紀要卷一百一

廣東二

廣州府

東至惠州府三百六十里南至海百里西至肇慶府二百三十里北至韶州府七百里自府治至京師七千八百三十五里

禹貢揚州南境春秋時爲揚越地

裴淵廣州記六國時廣州屬楚

秦置南海郡後趙佗據其地

圖經云尉佗僭據改南海爲南武自稱南武王謬

漢元鼎六年討平之仍爲南海郡後

漢建安中嘗徙交州治此三國吳始於此置廣州

交廣折置詳見前

晉宋以後因之並治南海郡梁置廣州都督府

陳因之隋平陳廢南海郡置廣州總管府志云初治始興開皇二十年還治南海仁壽初改爲番州避太子大業初復曰南海

郡唐武德四年平蕭銑仍置廣州初爲總管府七年改都督府開元二十三年置經略軍於城內又以廣州刺史兼五府經略使天寶初仍曰南海郡乾元

初復故乾甯二年兼置清海軍節度使天復初屬於劉隱五代梁貞明三年劉巖僭號改爲興王府宋開寶四年平南漢仍

曰廣州亦曰南海郡清海軍節度祥興元年升爲祥興府既又改爲翔龍府元爲廣州路明初改廣州府領州一縣十五今因之府連山北

峙鉅海東環所謂包山帶海險阻之地也封域綿邈田壤沃饒五嶺以南此爲都會秦末任囂謂趙陀曰番

禺負山險阻南海西數千里可以立國陀因此霸有南越也晉義熙中盧循保據於此分兵北出江左震

動旣而與劉裕相持於潯陽裕密遣孫處等自海道至番禺傾其巢穴循敗無所歸因以覆滅使裕計不早

循猶得阻險爲奸其爲東南患豈有已哉陳蕭勃歐陽紇等後先據廣州而皆不克振者羽翼未成本根先

撥也唐置嶺南經略使爲五管之樞要乾符末黃巢假息於廣州而毒螫遍於天下天復初劉隱代有廣州

恣睢南服且數十年宋之末造冀保此一隅爲一成一旅之資而卒摧於強敵者事勢已去非智計所能逮

也明初分道取廣東廖永忠以海道之師自福州先至廣州廣州旣下而嶺南郡縣亦望風款服矣蓋州不

特爲廣東之根本亦制廣西之肘腋也

南海縣附郭在府治西偏本秦南海郡番禺縣地隋開皇十年析置今縣尋以番禺縣并入爲廣州治五代改曰常康宋開寶五年復故舊治府城北芝蘭湖南明初遷入郭內今編戶三百五十里

番禺縣附郭在府治東偏秦置縣爲南海郡治以番禺二山爲名二漢因之晉宋以後皆爲南海郡治隋并入南海縣唐初復置仍爲廣州治宋開寶五年廢入南海縣皇祐三年復置在州城東紫泥巷元至正中

始徙治東城內今因之
廣州城自越人公師隅號曰南武吳越春秋闔閭子孫避越嶺外築南武城後楚

滅越越王子孫避入始興令師隅修吳故南武城是也秦以任囂爲南海尉初居瀘口西岸俗名萬人城在

今城西二十七里既乃入治番山隅因楚亭之舊其治在今城東二百步俗謂之任囂城又相傳南海人高

固爲楚威王相時有五羊啣穀萃於楚亭遂增築南武城周十里號五羊城及趙佗代囂益廣其所築城亦

在今治東今謂之趙佗城漢平南越改築番禺縣城於郡南六十里爲南海郡治今龍彎古霸之間是也號

佗故城曰越城後漢建安十五年步闢爲交州刺史以越城就圯乃廓番山之北爲番禺城後又遷州治於

此自是不改城塚記郡南城建安二十二年步闢遷州時築規制尙隘唐廣明間爲黃巢所焚天祐間清海

節度劉隱更築鑿平禺山以益之始稱壯麗宋慶曆四年經略使魏瓘增築子城周五里皇祐四年儂智高

寇廣州不能陷命瓚再知廣州瓚復環城濬池築東西南三門甕城熙寧三年經略使呂居簡議修東城未

果轉運使王靖成之袤四里合於子城明年經略使程師孟築西城周十有三里紹興二十二年經略使方

滋修中城及東西二城以禦寇嘉定三年經略使陳峴以城南闔閭稠密無所捍蔽乃增築兩翅以衛民居

東長九十丈西五十丈謂之雁翅城紹定二年經略方大琮增修端平二年開慶元年皆嘗葺治景炎二年

蒙古攻廣州州將張鎮孫以城降明年蒙古毀天下城隍廣州子城及兩翅城無恙明洪武三年復因舊壘
修葺十三年永嘉侯朱亮祖等以舊城抵隘乃改築府城連三城爲一東北包粵王臺山北連馬鞍至於白
雲山之麓岡阜相連不斷又建五層樓於北城上高八丈名鎮海樓稱爲雄勝成化二年引治十六年嘉靖
十三年皆嘗修築萬厯以來亦相繼營繕有門七惟東南曰定海西南
曰歸德餘各以方位爲名北枕山阜三面環濠城周二十一里有奇
熙安廢縣在府東本番禺縣地宋
元嘉中析置熙安縣屬
南海郡梁廢又懷化廢縣在府東北晉義熙中置屬南海郡宋因之梁廢又東有綏甯廢縣亦宋元嘉中置
屬南海郡梁廢○咸甯廢縣在府西北廣記五代梁貞明四年南漢析南海縣置咸甯常康二縣宋開寶五
年復省入南海縣宋志云南漢改南海
曰常康開寶五年復故今存以俟考
陸賈城府西十四里志云賈使南越時築一云趙佗館賈於此○
河南之洲狀如方壺乃循舊居晉義熙
越秀山府治北一名越王山鑿拔二十餘丈上有越王臺故址尉
七年沈田子破循焚其巢穴卽此地也
越并岡相傳并亦尉佗所鑿南漢時號曰玉龍泉有九竅亦名九眼井○番山在番禺縣治東南一里山北
一里曰禺山縣因以名舊時二山連屬如長城南漢劉龔龔平之就番山積石曰朝元洞後改曰清虛洞禺
山之陽又有西竺山今皆爲官民居址志云南海縣治西南一里有
破山在闔閭中高僅三四丈其陽有礎石洞舊傳卽五羊啣穗處
蒲帽山在府城北有南漢郊壇遺址
山高二十餘丈周六里下爲